

ጳውሎስ ዊሞቶሳው ፃፊዳ ኮይር ኪታ ጌሉዋ

ዊሞቶሳ ጌቲቲያ፣ አማኒያ ያላጋይ፣ ቄሪ ኢሲያ ጌቲቲያ ሳዓን ዩሌቴዳ። ኢ ባሬ ዳዩ ባጋና አዩሁዳ አሳ፤ ባሬ አቡ ባጋና ቃሲ ጌሪኬ አሳ። ኢ ጳውሎሳና ኪታን ኢቲፔ ዙፔቲያ አሳ፤ ሚሺራቹዋ ቃላ ኪታካ እናና ማዴቲዳ ኦሊያዎ። ጳውሎስ ዊሞቶሳው ፃፊዳ ኮይር ኪታይ ሄዙ አይፌ ዩዋቱዋን ሻኬቴ።

ኡባፔ ካሴቲዳ ሃ ኪታይ አማኒያ አሳ ጊደን ዴንዴዳ ዋርዶ ቲሚርቲያባ ሚኒሲዳ ኦዴ። ሃ ኢማላ ጊዴዳ ቲሚርቲ አዩሁዳ አሳቱዋ ቆፋፔ ባጋኔ ሃራ አሳቱዋ ቆፋፔ ባጋ ኦይቄዳዎ፤ «ሃዌ ቤቲያ አላሚ ናጋራን ሃምባላቹቲ ዲጌዳዋ ጊዲያ ዲራው፣ አሳይ አቶቴላ ዴማናው ዲማ ጊዴዳ ፀራ ኤራቴላ ኤራናው፣ ኢቲ ኢቲ ቁማቱዋ ሚናን አጋናውኔ ማቹያ አኬናኒኔ አሲና ጌሌናን ዴዓናው ኮሽ» ያጊያ ቆፋ ባሶ ኡዲዳ ኦይቄዳዎ። ሄዋ ቦላካ ጉጂዴ አ ኪታይ አማኒያ አሳ አዩሱዋባኔ ጎይኑዋ ዋጋባ ታማሪሲያ ቲሚርቲያ፤ ሄዋዳንካ ቃሲ አማኒያ አሳ ካሌሊያዋንቱኔ ኡንቱንታ ማዲያዋንቱ አይ ማላ ኤሻና ዴዒያዋንታ ጊዳናው ቤሲንቶ ኦዲያባ ኦይቄዳ። ወርሴላን ዊሞቶሲ ዩሱሲ ኪሪሰቶሳሲ ኦሊያ ሎዖ ኦሳንቻ ዋኒዴ ጊዳናው ዳንዲይንቶኔ ቃሲ ዲማ ዲማ አማኒያ አሳ ማባራ ሲንላን አው ዴዒያ አዋቴላሲ፣ ጳውሎስ አ ዙሪዳ ዙሪያ ቤዔቶ።

ሼምጋቱዋ ኡባቱዋሲ ኢሜቴዳ ቃንላ ቆፋቱዋ

ጌሉዋ (1:1-2)

አማኒያ አሳባኔ ኡንቱንቱ ጊደን ኦሊያ ያሳ ኦሳንቻቱዋባ (1:3-3:16)

ዊሞቶሳው አ ኦሱዋሲ ኢሜቴዳ ቲሚርቲያ (4:1-6:21)

1 ኑና አሺያ ያሳይኔ ኑኒ ቤዓና ጊዴ ናሼቻን ናጊያ ዩሱሲ ኪሪሰቶሲ አዛዜዳ አዛዙዋዳን፣ ዩሱሲ ኪሪሰቶሲ ኪቲዳዋ ጊዴዳ ታኒ ጳውሎስ፣ 2 አማኑዋ ባጋና ታ ቱሙ ናዓው፣ ዊሞቶሳው ሃ ዳቢዳሲያ ፃፋይ።

ዋርዶ ቲሚርቲያፔ ናጌቱሳ

ጾሳ ኑ አዉዋፔኔ ኑ ጎዳ ኪሪሰቶሳ ዬሱሳፔ ኣጾ ኬካቴላይ፡ ማርቴላይኔ ሳርቴላይ ኔው ገደ።

3 ታኒ ማቂድኒያ ባዴ ኔው ጌዳዋዳን፡ ኔኒ ኤፌሶኔን ጋሚዳና ማላ ኮያዲ። ኢቲ ኢቲ አሳቱ ዋርዲዋ ተሚርቲያ ታሚሪሲና፤ ሄዋንቱ ታሚሪሲና ማላ፡ አገቱ ጋዴ ኦዳ። 4 ኡንቱንቱ ቶሳ ኦዲያዋኔ ባሬንቱ ዛሪያ ጋይሪያዋ አጋናዳን ኦዳ። አዪሲ ጎፔ፡ ሄዋ ማላባይ ፓሉማ ካሌሌ፤ ቃሲ ጾሳ ቆፋ አማኑዋን ኤሬቲያዋ ኦሊኪና። 5 ሃ አዛዘ ዋና ቆፋይ ጌሻ ዋዛናፔ፡ ሎፖ ሱሬ ዋዛናፔ፡ አሳይ ቤፖ ጊያባይ ባይና አማኑዋፔ ቤቲያ ሲቁዋ ዴንሌላናሳ። 6 ኢቲ ኢቲ አሳቱ ሃዋ አገዴ፡ ማዴና ሃሳያኮ ሲሜዲና። 7 ኡንቱንቱ አያ ሃሳዪንቶኔ ዋይ ባሬንቱን አማኔቲዴ ኦዲያባይ አዬንቶ ኤሪኪና፤ ሺን ጾሳ ሂጊያ ታሚሪሲያዋንታ ገዳናው ኮዪና።

8 አሳይ ቤሲያዋዳን ሂጊያን ጎዴቶፔ፡ ሂጊ ሎዓ ገዲያዋ ኑኒ ኤሬቶ። 9 ኢቲባ አኩካናው ኮሼ። ሂጊ ሎፖ አሳው ሜዲቲቤና። ሺን ሂጊያ ሚንሊያዋንቶ፡ አዛዘቴናዋንቶ፡ ማካላንቻቶ፡ ናጋራንቻቶ፡ ጌሻቴላይ ባይናዋንቶ፡ ቱናቶ፡ ባሬንቱ ዳዮ ዋይ አባ ዋዲያዋንቱሲ፡ ሼምፑዋ ዋዲያዋንቱሲ፡ 10 ዋሹማናው ካጄሊያዋንቶ፡ አቱማ አሳይ አቱማ አሳና ዋሹሚያዋንቶ፡ አሳ ዛሊዲያዋንቶ፡ ዋርዳንቻቶኔ ዋርዲዋን ጨቂያዋንቶ፡ ዋይ ቱሙ ቲሚርቲያና ጋኬቴና አይ ኦሱዋ ገዲናካ ኦሊያዋንቶ ኬሴዳ። 11 ሄ ቱዋ ቲሚርቲ አንጄቴዳ ጾሳይ ታኒ አዋጅና ማላ፡ ታው ሃዳራ ኢሜዳ ቦንቾ ዋንጋላ ገዲዋን ዴዴ።

ጳውሎሲ ጾሳው ሺሼዳ ጋላታ

12 ታኒ ኦሊያ ኪታን ታው ዋልቃ ኢሜዳ ኑ ጎዳ ኪሪሰቶሳ ዬሱሳ ጋላታይ። ታና ባሬ ኦሳንቻ ሱንሊዴ፡ ታና ሄ ኦሶ ቤሲያ አማኔቶዋ ገዴ ፓይዴዳ ዲራዉካ አ ጋላታይ። 13 ታኒ ሃዋፔ ካሴ አ ቦሪያዋ፡ አ ዬዴርሲያዋኔ ቱጋዪያዋ ገደፔ፤ ታው ሃዋ ኢ ኦሌዳ። ሺን ታኒ ኤሬናን ኦሌዳ ዲራዉኔ አማናቤና ዲራው፡ ጾሳይ ታና ማሬዳ። 14 ቃሲ ኑ ጎዳይ ዛዋይ ባይና ባሬ አጾ ኬካቴላ ታ ቦላን ጉሲዴ፤ ኪሪሰቶሳ ዬሱሳ ባጋና ኑባ ገዴዳ አማኑዋኔ ሲቁዋ ታው ኢሜዳ።

15 ኪሪሰቶሳ ዬሱሲ ናጋራንቻቱዋ አሻናው ሃ ሳዓ ዬዳ ገያ ሃሳያይ አማኔቲዳዋኔ አሳይ ኡባይ ቱማ ገዴ አካናው ቤሲያዋ። ኡባፔ አዲያ ናጋራንቻይ ታና። 16 ሺን ሜዲና ዴቡዋ አካናው ኢኒ አማናናው ቤሲያ አሳው ታኒ ሌሚሱዋ ገዳናዳን፡ ኡባፔ አዲያ ናጋራንቻው ታው ዬሱሲ ኪሪሰቶሳ ዳር ዳንዳያዳን፡ ጾሳይ

ታና ማራዳ። 17 አይፊያን ቤቴና ሜዲና ያሳው አቱቀሲ፣ ሜዲና ካቲው፣ ሜዲና፣ ሜዲና ጋካናው ጋላታይን ቦንቹ ገደ። አሜንዲ!
 18 ታናና ዓመቶሳ፣ ካሴ ኔባ ቲምቢቲያ ኦዲዳዋዳን፣ ሄ ኦዲዳዋዳን ሎዎ ኦላ ኔኒ ኦሌታና ማላ፣ ሃ አዘዙቀ ኔው ሃዳራ ኢማይ። 19 አማኑኔ ሎዎ ሱሬ ዋዛናይ ኔው ዳዎ። አቱ አቱ ባሬንቱ ሱሬ ዋዛና ዩጌ አገዴ፣ ላገያዌ ባይና ማርካቢ ባዪያዋዳን፣ ባሬንቱ አማኑቀ ባዪዬዲኖ። 20 ያሳ ቦሪያዋ አጋና ማላ፣ ሄዋ ታማራናው ታኒ ሴፃናው አላ ኢሜዳ ሄሜኔዮሲኔ ኢሰከንዲሪ ኡንቱንቱ ገደን ዳዲኖ።

2

ዎሳ ጎሊያ ዎሳ

1-2 ኔኒ ያሳ ማላቲያዎን፣ ጌሻቴላ ኡባን፣ ሳርቴላኒኔ አሺኬቴላን ዳዳና ማላ፣ አሳ ኡባው፣ ካቴቶኔ ሱንላቴላይ ዳዲያ ኡባቶ፣ ያሳ ኦቻናው፣ ዎሳናው፣ ጋናታናውን ጋላታናው ቤሲያዋ ኡባባ፣ ካሴታይ ታኒ ኔና ኤሪሳይ። 3-4 አሳይ ኡባይ አታናዳኒኔ ቱማቴላ ኤራናዳን ኮዪያ ኦና አሺያ ያሳ ሲንላን ሃዌ ሎዲያባኔ ናሼቹያዎ። 5 አዪሲ ጎቴ፣ አቲ ያሳይ ዳዴ፣ ያሳቴኔ አሳቴ ገደዋን ገደዳ ጋናቲያ አቱ ዳዴ። ሄዌካ ኪሪሰቶሲ ዩሱሳ ገያ አሳ። 6 ኢ አሳ ኡባ ዎዛናው ባሪና ኡባው ኢሜዳ። ያሳይ ባሬ ዎዲያን አሳ ኡባ ዎዛናው ኮዪያዋ ቤሲያ ማርካይ ሃዎ። 7 ታኒ ያሳ ቃላ ኦዲያዎ፣ ዩሱሲ ኪቴዳዎኔ ቃሲ አማኑቀኒኔ ቱማቴላን አዪሁዳ ገደና አሳ ታማሪሲያዋ ገደዳ ሱንላቴላዊ ሃዎሳ። ታኒ ዎርደቲኬ፣ ቱሙዎ ሃሳያይ።

8 ሄዎ ደራው፣ ኡባሳን ዳዲያ አቱማ አሳይ ሃንቁኔ ፓሉሚ ባይናን፣ ባሬ ጌሻ ኩሺያ ፑዴ ዳንሊዳ፣ ያሳ ዎሳናዳን፣ ታኒ ኮያይ።

9-10 ሄዎዳን ቃሲ ማጫዎንቱካ ቤሲያ ማዶዎ ያሻቴላኒኔ ባሬንታ ሞዲያዎን ማዶኖ። ያሳው ያያይ ገያ ማጫ አሳ ቤሲያዎዳን፣ ሎዎባ ኦሊያዎና፣ አቲን፣ ሁጲያ ሹሩባ ዳዲያዎን፣ ዎርቃን ዎይ አንቁዎን፣ ዎይ ዳር አልዎ አፊላን ባሬና አሌቂሶፊኖ።

11 ማጫውና ኡባባኒ ሞዴታይ፣ ጮቡ ጋዴ ታማሩ። 12 ታኒ ማጫውና ጮቡ ጋዴ ዳቡ ጋዩቴ አቲን፣ አቱማ አሳ ታማሪሱኔ ዎይ ኡንቱንቱ ቦላ አዎቱ ገኬ። 13 አዪሲ ጎቴ፣ አዳሚ ኮይር ሜዴቴዳ፣ ሄዎና ጉዩቴ ሜዴታዲ። 14 ሄዎና ጨሜታይ ያሳ ሂገያ ሚንላዲ፣ አቲን፣ አዳሚ ጨሜቲቤና። 15 ሺን

ማጫወና አማኑዋን፣ ሲቁዋን፣ ጌሻቴላኒኔ ባሬና ሞዲዳ ዴዎፔ፣
ናና ዬሊያዋን አታና። *

3

ዎሳ ጎሊያ ካሌሊያዋንታ

1 ኦኒኔ ዎሳ ጎሊያ ካሌሊያዋ ጊዳናው ኮዮፔ፣ ሎዎባ አሞቴዳ
ጊያ ሃሳያይ ቱማ። 2 ዎሳ ጎሊያ ካሌሊያ ኡራይ ቦሪሴናዋ፣ ኢቲ
ማቻቲ ፃላላይ ዴዲያዋ፣ ባሬና ሞዲያዋ፣ ባሬና ናጊያዋ፣ ባሬው
ቤሲያዋ ኦሊያዋ፣ ኢማላ ሞኪያዋ፣ ታማሪሳናው ዳንዳዪያዋ፣
3 ማሶቴናዋ፣ አሺኬቴላፔ ኦቲን ዋላቄቴናዋ፣ ፓሉማቴናዋ፣ ሻሉዋ
ሲቄናዋ፣ 4 ናናይ ኦው አዛዜቲያዋኔ ቦንቺያዋ፣ ቃሲ ባሬ ጎሊያ
አዪሳናው ዳንዳዪያዋ ጊዳናው ቤሴ። 5 አዪሲ ጎፔ፣ ኢቲ ኡራይ
ባሬ ጎሊያ አዪሳናው ዳንዳዪናዋ ጊዳፔ፣ ዎሳ አማኒያዋንታ ዎቲ
አዪሳናው ዳንዳዪ?

6 አቶሩዋን ሱጌቲዲ፣ ፃላሂያ ካፑ ዎሳ ፒርዳን ኩንዴዳዋዳን
ኩንዴና ማላ፣ ኦራላ አማኔዳ አሳ ጊዳናው ቤሴና። 7 ፃላሂያ
ካፑዋ ቦሪያኒኔ ጸሪያን ጌሌና ማላ፣ ሄ ኡራይ ዎሳ ጎሊያፔ
ካሬና ዴዲያ አሳን ናሹቲያዋ ጊዳናው ቤሴ።

ዎሳ ጎሌን ማዲያዋንቱባ

8 ሄዋዳን ቃሲ ዎሳ ጎሊያ ማዲያዋንቱ አሳይ ቦንቺያዋንታ፣
ላዑ ዶና ሃሳዬናዋንታ፣ ዳሮ ዎዪኒያ ኤሳ ኡሹናዋንታ፣ ሚሻው
ያሬቴናዋንታ፣ 9 አማኑዋ ፀራ ጌሻ ዎዛና ቆፋን ናጊያዋንታ
ጊዳናው ቤሴ። 10 ሄዋንቱ ካሴቲዴ ፓጩታናው ኮሼ። ፓጩያ
አጶዋፔ ጉዪያን፣ ዎሳ ጎሌን ኦሊያዋንታ ጊዲዴ ኦሊኖ።

11 ሄዋዳንካ ቃሲ ኡንቱንቱ ማቻቱ አሳይ ቦንቺያዋንታ፣
ዘጊሬናዋንታ፣ ባሬና ሞዲያዋንታ፣ ኡባባኒ አማኔቲያዋንታ
ጊዳናው ቤሴ።

12 ዎሳ ጎሊያ ማዲያዋ ኢቲ ማቻቲ ፃላላይ ዴዲያዋኔ ቃሲ
ባሬ ናናኔ ባሬ ጎሊያ ሎይሊ አዪሲያዋ ጊዳናው ቤሴ። 13 አዪሲ
ጎፔ፣ ዎሳ ጎሊያ ማዲያዋንታ ጊዲዴ፣ ሎዎ ኦሱዋ ኦሊያዋንቱ
ባሬንቱ ሁጹው ዎልቃማ ቦንቺዋ ዴሚኖ፤ ቃሲ ኪሪሰቶሳ ዬሱሳን
ባሬንቶ ዴዲያ አማኑዋ ሎይሊ ፃሊዴ ሃሳያናው ዳንዳዪኖ።

ዎልቃማ ፀራ

* 2:15 ናና ዬሊያዋን አታና፣ ናና ዬሊያዋን ናጌታ ዴዳና ጉሳ። 3:2 ቲት
1:6-9

14 ታኒ ኔኮ ኤሌካ ባና ጋዴ ሃዋ ኔው ፃፋይ። 15 ሺን ታኒ ቤናን ጋሚዖፔ፣ ያሳ ጎሌን ኔኒ ዋታ ዳዓናው ቤሲንቶ ኤራና ማላ ፃፋይ። ሄ ጎሊ ቱማቴላው ቱሳኔ ባሶ ጊዲያ ዳዑዋ ያሳ ዋሳ ጎሊያ። 16 ኑ አማኑዋ ፀራይ ዋልቃማ ጊዲያዋ ኦኒኔ ሲቆናው ዳንዳዬና።

ኪሪሰቶሲ አሹዋን ቆንጨዳ፤
ኢ ዲሉዋ ጊዲያዋ ጌሻ አያናይ ማርካቴዳ።
ኪታንቻቱካ አ ቤዔዲና፤
አዪሁዳ ጊዳና አሳይ አባ ኦዲና ሲሴዳ።
ሳዓን ዳዒያ አሳይ አ አማኔዳ፤
ቦንቹዋን ኢ ሳሉዋ ቤዳ።

4

ዋርዶ አስታማራቱዋ

1 ኢቲ ኢቲ አሳይ ዉርሴላ ዋዲያን አማኑዋ አጋናዋ ጌሻ አያናይ ቆንጨያን ኦዳዳ። ኡንቱንቱ ዋርዶ አያናቱዋሲ አዛዜታና፤ ቃሲ ፃላሃቱዋ ቲሚርቲያ ካላና። 2 ሃዋ ማላ ቲሚርቲ፣ ቲላ ዋዛና ታማን ቦንቄዳ ቢራታን ጉዳዳዋዳን ዶንጨሌዳ ዋርዶ አሳቱዋ ባገና ዬዳ።

3 ሃዋንቱ ማላ አሳቱ አኪያዋኔ ጌሊያዋ ቃሲ ኢቲ ኢቲ ቆዋ ካላ ሚያዋ ዲጊና። ሺን አማኒያዋንቱኔ ቱማቴላ ኤሪያዋንቱ ያሳ ጋላቲዳዋፔ ጉዬያን ማና ማላ፣ ያሳይ ካላ ሜዴዳ። 4 አዪሲ ጎፔ፣ ያሳይ ሜዴዳባይ ኡባባይካ ሎዓ። ያሳ ጋላቲዳ አኮፔ፣ ኦሌቲያዌ አያይኔ ባዋ። 5 አዪሲ ጎፔ፣ ሄ ኡባባይ ያሳ ቃላኒኔ ዋሳን አንጃቲዳዋ።

ኪሪሰቶሳሲ ሎዖ ኦሳንቻ ጊዲያዋ

6 ሄዋ ዲራው፣ ኔኒ አሻቱዋ ሄዋ ሃሳዪሲያዋ ጊዶፔ፣ አማኑዋኔ ኔኒ ካሌዳ ሎዖ ቲሚርቲያ ቃላን ኤቆፔ ኔኒ ኪሪሰቶሲ ዬሱሳው ሎዖ ኦሳንቻ ጊዳናሳ። 7 ሺን አማኒያ አሳው ሎዔና ሃሳያፔኔ ቃሲ ጨማ ማጫ አሳ ቶሳፔ ባቃታ። ቃሲ ያሳ ማላቲያዋን ኔና ሎሂሳ። 8 አዪሲ ጎፔ፣ አሳይ ባሬ ቦላ ሚኒሲያዌ ላፋ ጎዔ። ሺን ያሳ ማላቲያዋን ሎሂሲያዌ ሃዒካ ሲንሳፔካ ዳዑዋ አማና ጊያ ዲራው፣ ኡባባዉካ ጎዔ። 9 ሃ ሃሳያይ አሳይ ኡባይ አካናው ቤሲያ ቱሙ ሃሳያ። 10 ኑኒ ሄዋ ዳማናው ዳቡራቶኔ ሎይሲ ኦሌቶ፤ ሄዋሲ ኑኒ ሂዶታ ዋሌዳዌ አሳ ኡባ፣ ኡባፔ አሲዳ፣ አማኒያዋንታ አሺያ ዳዑዋ ያሳ።

11 ሃዋ አዛዛኔ ታማሪሳ። 12 ኔኒ ያላጋ ገዲያ ዲራው፣ ኔና ኦኒኔ ካጾፖ። ሺን አማኒያዋንቶ ኔ ሃሳያን፣ ሃኖቴላን፣ ሲቁዋን፣ አማኑዋኒኔ ገሻቴላን ለሚሱዋ ገዲ። 13 ታኒ ያና ጋካናው አሳሲ ያሳ ማፃፋ ናባቢያዋኒ፣ ያሳ ቃላ ኦዲያዋኒኔ ታማሪሲያዋኒ ሚና። 14 ቲምቢቲያ ኦዲያዋንቱ ሃሳዪናኔ ጨማቱ ባሬንቱ ኩሺያ ኔ ቦላ ዋሊና፣ ኔኒ አኬዳ፣ ኔናን ዴዲያ ገሻ ኣያና ኢሙዋ ቶቾፓ።

15 ኔ ዲቻይ አሳ ኡባው ቆንጫና ማላ፣ ሄዋ ሚኒሳ ቆፓ። ሃዋ ኡባ ዋዴ አላ። 16 ኔ ሁጺያኔ ኔ ቲሚርቲያ ናጋ። ኔኒ ሄዋ ኦሎፕ፣ ኔናኔ ኔኒ ገያዋ ሲሲያዋንታ አሺያ ዲራው፣ አገናን አላ።

5

አምዔቱዋ ዘሬዳ ዘሪያ

1 ጨማ አሳ ኔ አባ ቦንቺያዋዳን ቦንቻፔ አቲን፣ ቶቾፓ። ያላጋቱዋ ኔ ኢሻዳን፣ 2 ቃሲ ጨማ ማጫ አሳ ኔ አቲዳን፣ ያላጋ ማጫ አሳ ኔ ሚቻቲዳን፣ ኩሚንላ ገሻቴላን ቦንቻ።

3 ባሬ ፃላላ ገዴዳ ቱሙ አምዔቱዋ ቦንቻ። 4 ሺን አምዓቲው ናናይ ዋይ ናና ናናይ ዴፖፕ፣ ሄ ናናይ ያሳ ማላቲያዋ ባሬንቱ ሶይ አሳ ቤሲያዋኒኔ ቃሲ ሄዋ ኦሊያዋን ባሬንታ ዩሌዳዋንቱ ኩሺያ ዛሪያዋ ታማሪኖ። አዪሲ ጎፔ፣ ሄዋ ያሳ ናሹቺያዋ።

5 አያ ማዲካ ባይና ባሬ ዴዲያ ቱሙ አምዓታ ያሳይ ኢማና ጋይ ናሹቻን ናጋ ኡታዲ። ቃሲ ጋላሲኔ ቃማ ያሳይ ኢዞ ማዳና ማላ፣ ዋሳዉኔ ኦቻው። 6 ሺን ባሬና ኢሻሊሲያ አምዓታ ፓፃ ዴፖፕካ፣ ኢዞ ሃይቃዲጋዲ። 7 ቃሲ ኦኒኔ ኡንቱንታ ቦሬና ማላ፣ ሃ አዛዙዋ ኢማ። 8 ሺን ባሬንቱዋ ቃሲ ኡባፔ አሊዴ፣ ባሬ ሶይ አሳው ቆፔና ኡራይ ኦናኔ ገዶፕ፣ ሄዋ ባሬ አማኑዋ ካዴዳዋ። አማኔና አሳፔካ አጲዴ አው ኢታ።

9 ኡሱፑን ታሙ ላይላይ ኩሚቤና አምዓቲ ሱንላ ማዘጎቢያን ፃፎፓ። ሄዋ ቦላን ቃሲ ኢዞ አቲ አሲናፔ ሃራ ጌላቤናዉኖ ገዳናው ኮሹ። 10 ናና ዲቺያዋን፣ ኢማላ ሞኪያዋን፣ ገሻቱዋ ጌዲያ ሜጨያዋን፣ ዋዬቴዳ አሳ ማዲያዋን፣ ሎፖ ኦሱዋ ኡባ ካሊያዋን፣ ሃ ሎፖ ከታ ከቲቲያዋን ኤሬቴዳዉኖ ገዳናው ቤሴ።

11 ሺን ያላጋ አምዔቱዋ ዮኮንቱ ሱንላና ጋላ ፃፎፓ። አዪሲ ጎፔ፣ ኡንቱንቱ ባሬንታ፣ አሲና ጌላ ጌላ ገያ ዋዴ፣ ከሪሰቶሳ አጋናዋንታ። 12 ኮይሮ አማኑዋ ካጴዳ ዲራው፣ ኡንቱንቱ ፒርዴታና። 13 ሄዋ ባይናን ኦሱዋ ቶዪዴ አቲ ጎሊያፔ ሃራ ጎሊያ ዩዪዴ፣ ሃሜቲያዋ ፃላላ ገዴናን፣ ባሬንቶ ቤሴናባ ሃሳዪዴ።

ዘገርሳኔ ዩወዋን ጮ ጌሊያዋ ታመሪኖ። 14 ህዋ ዲራው፡ ኑ ሞርኬቱ ኑ ቦላ ሃሳዪያ ኢታባ ዴሚና ማላ፡ ያላጋ አምዓቱ አሰና ጌሊዴ፡ ናዓ ዩሊዴ፡ ባሬንቱ ጎሊያ አዪሳና ማላ ዘራይ። 15 አዪሲ ጎፔ፡ ሃዋፔ ካሴ አመራዳ አምዓቱ ስፃና ካላናው አጊዴ ጉዬ ሲሜዲኖ።

16 አማኒያ ሚሺራቲው ሃቃንካ ዳቦ አምዓቱ ዴፖፔ፡ ኢዛ ኡንቱንታ ማዳናው ቤሴ። አማኒያ አሳቱ ማዲ ቤሲያ ቱሙ አምዕቱዋ ማዳና ማላ፡ ኡንቱንቱ አማኒያዋንቶ ቶኮ ገደፒኖ።

17 ሎይሌ ሄሚያ ጨማቱ፡ ቃሲ ኡባፔ አሊዴ፡ ቃላ ኦዲያዋኒኔ ታመሪሲያዋን ዳቡሪያዋንቱ፡ ዳኮ ቦንቹዋ አካናው ቤሲኖ።

18 አዪሲ ጎፔ፡ ያሳ ማፃፋይ፡ «ኡዲማን ካላ ዩዲያ ቦራ ዶና ቃቾፓ» ቃሲ፡ «ኦሳንቻይ ባሬ ዲርጉዋ አካናው ቤሴ» ያጌ።

19 ላዑ ዋይ ሄዙ ማርካይ ባይናን፡ ዋሳ ጎሊያ ጨማ ሞቲያዋ ሲሶፓ። 20 ሄራቱ ያያና ማላ፡ ናጋራ ኦሊያ ኡባቱዋ አሳ ኡባ ሲንሳን ሴራ።

21 ኔኒ አይኔ አሳ ዴሙዋ ዪሌናን፡ ኢቱዋ ኢቱዋፔ ዲማዬናን ሃ አዛዙዋ ናጋና ማላ፡ ያሳኒኔ ዩሱሲ ኪሪሰቶሳን ዶሬቱዳ ኪታንቻቱዋ ሲንሳን ኔና ታኒ ዘራይ። 22 ኦ ቦላኒኔ ኤሌላዴ ኔ ኩሺያ ዋሶፓ። ሃራቱዋ ናጋራን ጌሎፓ። ኔና ጌሻቴላን ናጋ።

23 ኔኒ ኡባ ዋይ ሳኬቲያ ዲራዉኔ ኔ ኡሉዋ ዲራው፡ ጉላ ዋዪያ ኤሳ ኡሻፔ አቲን፡ ሃላ ፃላላ ኡሾፓ።

24 ኢቲ ኢቲ አሳቱዋ ናጋራይ ቤዓናው ቆንጩ፤ ኡንቱንቱ ናጋራይ ኡንቱንታ ፒርዳናው ኡንቱንቱፔ ሲንሳው አዴ። ሺን ሃራቱ ናጋራይ ጉዬፔ ቆንጩ። 25 ሄዋዳንካ፡ ሎፖ ኦሱካ ቆንጩ። ቆንጩቤናባ ገደፔኔ፡ ጌማናው ዳንዳዬና።

6

አይሌቱዋሲ አሜቱዳ ዘሪያ

1 ያሳ ሱንሳይኔ ኑ ቲሚርቲ ቦሬቴና ማላ፡ አይሌቱላ ሞርጌ ሚላ ገደን ዴሚያዋንቱ ባሬና ሞዲያ ጎዳቶ ቦንቹ ቤሲያዋ ኤሪኖ።

2 አማኒያ አሳ አይሊያ ገዴዳዋንቶ ኡንቱንቱ ጎዳቱ ኡንቱንቶ አሻ ገዲያ ዲራው፡ ኡንቱንታ ካዶፒኖ። ሺን ባሬንቱ ኪታን ጎዴቲያዋንቱ ኡንቱንቱ ሲቁያ አማኒያዋንታ ገዲያ ዲራው፡ ኡንቱንቱ ካሴዋፔ አሊዴ ኦላናው ቤሴ።

ዋርዶ ቲሚርቲያኔ ቱሙ ዲሬቱላ

5:18 ዛር 25:4፤ ማጉ 10:10፤ ሉቅ 10:7 5:19 ዛር 17:6፤ 19:15

ኔኒ ሃ ዩዋቱዋ ታማሪሳናውኔ ኦዳናው ቤሴ። 3-4 ኦኒኔ ዲማ ቲማርቲያ ታማሪሲያዋ ገደፔ፣ ቃሲ ኑ ጎዳ ዩሱሲ ኪሪሰቶሳ ቱሙ ቃላና ኑ አማኑዋ ቲማርቲያና ጋኬቴና ኡራይ ዳሮ ኦቶሬቴ፤ አይኔ ኤሪና። ቃሲ ቃላ ቦላን ፓሉማታናውኔ ዋላቋታናው ኡንቱንቶ ጊና ቆፋይ ዴዔ። ሄዌ ቃናቲያ፣ ፓሉማ፣ ቦሪያ፣ ኢታ ሲጲያ ካሌሌ። 5 ቃሲ ኡንቱንቱ ሁጲ ኦሌና። ቱማቴላይ ባይና አሳቱዋናካ ፓሉማ ካሌሌ። ኡንቱንቱ ያሳ ማላቲያዋን ዱሬታና ገዴ ቆፒና። ኔኒ ሄ አሳቱዋፔ ሻኬታ።

6 ሺን ታው ዴዒያባይ ታው ገዳና ገያ ኡራ ያሳ ማላቲያዌ ዱሬይ። 7 አዪሲ ጎፔ፣ ኑኒ ሃ አላሚያ አይኔ አሂቤይኮ፤ ቃሲ አፔ አይኔ አፎኮ። 8 ሺን ሚያባይኔ ማዪያባይ ዴፖፔ፣ ሄዌ ኑሲ ገዳናዋ። 9 ሺን ዱሬታናው ኮዪያዋንቱ ፓጪያኒኔ ጲሪያን ጌሊና፤ ቃሲ ዳሮ አሳ ባሻውኔ ቆዮ ጎቺ አፊያ ዳሮ ኤያኔ ቆሃያ አሙዋን ከንዲና። 10 አዪሲ ጎፔ፣ ሻሉዋ ሲቂያዌ ኢታቴላ ኡባው ፑልቱዋ። ኢቱ ኢቱ ሄዋ አሞቲዲ፣ አማኑዋፔ ባሌቲዴ፣ ዳሮ ሜቱዋን ባሬንታ ቆሄዲና።

ጳውሎሲ ዓመቶሳ ዞሬዳ ዞሪያኔ አዛዜዳ አዛዙዋ

11 ሺን ኔና፣ ያሳ አሳው፣ ሄዋፔ ባቃታ። ዒሎቴላ፣ ያሳ ማላቲያዋ፣ አማኑዋ፣ ሲቁዋ፣ ዳንዲያኔ አሺኬቴላ ካላ። 12 አማኑዋ ባዒያ ሎይላ ባዒታ። ዳሮ አሳ ሲንላን ሎፖ ማርካ ማርካታዴ፣ ኔና ያሳይ ዒሴዳ ሜጲና ዴዐ-ዋ ኦይቃ። 13 ኡባባው ዴዐ-ዋ አሚያ ያሳ ሲንላኒኔ፣ ቃሲ ጴንጻናዊያ ጲላያሳ ጌቴቲያ ጋዲያ ሞዲያዋ ሲንላን ሎፖ ማርካ ማርካቴዳ ኪሪሰቶሲ ዩሱሳ ሲንላን ታኒ ኔና ሃዋ አዛዛይ። 14 ኑ ጎዳ ዩሱሲ ኪሪሰቶሲ ቆንጫና ጋካናው፣ ቂታይ ባዪናኒኔ ቦሪ ባይናን ሄ አዛዙዋ ናጋ። 15 አ ቆንጩላ፣ ኢቲ ሱንላይ ዴዒያ አንጃቴዳ ያሳይ፣ ካታቱዋ ካቲ፣ ጎዳቱዋ ጎዳይ፣ ባሬ ቤሲያ ዋዲያን ቤሳና። 16 ሃይቄናዌ ኢቲ አ ፃላላ። ኦኒኔ አኮ ሺቃናው ዳንዲዬና ፖዐዋን ዴዔ። ኦኒኔ አ ቤዒቤና፤ ቃሲ ቤዒናውካ ዳንዲዬና። ቦንቹኔ ሜጲና ዋልቃይ አው ገዴ። አሚንዒ።

17 ሃዒ ሃ ዋዲያን ዱሬ ገዲያዋንቱ ኦቶሬቴናዲኒኔ ቃሲ ኑኒ ናሺታናዲን፣ ኡባባ ፓላሂሲዴ ኑሲ አሚያ ዴዐ-ዋ ያሳን አማኔታናዋፔ አቲን፣ አጲያ ዱሬቴላን ኡንቱንቱ አማኔቴናዲን፣ ኡንቱንታ አዛዛ። 18 ኡንቱንቱ ሎፖላ አላናዲን፣ ሎፖ ኪታን ዱሬታናዲን፣ ኬኪያዋንታኔ ሃራቱዋና ሻኪ አኪያዋንታ ገዳናዲን አዛዛ። 19 ሄዋ ያቲያዋን ኡንቱንቱ ሲንላው ሚና ባሶ ገዲያ

ሻሉዋ ባሬንቶ ሺሺኖ። ሄዋፔ ጉዩያን፣ ኡንቴንቴ ቱሙ ዴቦዋ አካና።

20 ዲሞቶሳ፣ ኢቲ ኢቲ አሳይ ባላን ኤራቴላ ጊያ ኤያ ፓሉሚያፔኔ ሜላ ሃሳያፔ ባቃታዴ፣ ኔው አሜቴዳ ሃዳራ ናጋ። 21 አዩሲ ጎፔ፣ ኢቲ ኢቲ ኩሲ ኤራቴላይ ዴዔ ያጊዴ፣ አማኑዋ ባሌዲኖ።

ያሳ አጼ ኬካቴላይ ሂንቴናና ኡባና ጊዶ።

Ooratha Caaquwaa New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source
files dated 29 Jan 2022

585b63ca-b8e6-55c8-bfef-10bdc95ad69c